

湘綺樓詩第九卷 王申

湘潭王閻運字壬父著

獨行謠三十章四百四十八韻凡四千四百八十五字
感贈鄧輔綸

彌之見過山中除夕設飲追語二紀前娛園之會後
歷安危宜有紀述要與連句謙退固辭豈將激發鄙
情亦時違事眾誠非率爾所操因及暇時輒綴數語
積日所得總爲一篇命曰獨行謠詩曰聊以行國又
曰我歌且謠蓋明於得失之迹達於事變懷其舊俗
國史之志也故綜述時賢詳記大政俟後世賢人君

子興起除夕因以除夕發端

一晨復一宵聽我獨行謠獨謠君獨聽歲月一何遼憶
我年十五體羸志未修呻吟窮巷內學作康衢謳儒冠
樂羣會始得通羅劉此時聞常鄧高咏鏘鳴璆鳳凰不
孤響燕雀隨秋秋寒冬步從我玉佩貂襜褕十里還城
南夜燭明如珠城門丙夜開民物共歡愉分題賦南閣
君獨悟幾超其一余方樂娛遊明歲果告災荆澧連大浸
桂象亦無禾南郡介其中院司庸且疲陸貪賂則廉其
智各自謀牧令久俗鈍參錯七十都楚危若振籜越亡
如爛魚洪楊有名號倡和連潯梧琛也起州縣奏草先

中樞彰云上厭事調發煩軍輸文宗既龍飛其變乃具
疏選將由固原薦材未云誣誰輕鷄鼠機林死降李周
周剛意輕李雁行始不和奏用軍二萬大臣舌撝吟惜
哉謀不用足爲後世模鄉使并全力武宣掃無餘直此
曲突計焦頭賞曾胡其二其斷斷浸上聞命帥輟尙阿朝出
清望臣十六在貳車一飯巴陵館但見訶膳夫六月守
永安左向頗右烏失律僨四鎮桂林閉闔闔於吾未云
蚩於寇膽氣麤出湘謬走郴徐駱又不圖一坐土城內
一議棄衡州偏師扣南門民吏但驚呼赳赳尹培立一
士當百夫甯爲壯士死不作欽差逃蒼黃乃閉城八十

日其祖三其君時直閣門余在傅淺湖始聞易帥詔乃用
鹿邑徐西夷約踐庚大舶嚮番禺和我我所諱撐挂不
入郛以茲得封爵名字溢寰區時議盡虛佇陳生對啼
噓果然噉畫餅不能補羊牢四其四余時自樂平千里一肩
輿平行至城根不見官賊徒夜投漁船宿烹菘肥似膏
明晨告府主帖下架鹿盧將相共出入吾亦縋我腰猶
蒙巫媿譟啞啞笑懸豬臥聽沙井角坐吹南樓笳是時
青衿散獨與彭郭居郭生賦七哀彭子慕廉頗城中尙
歡笑士女縱娛游雖聞地雷鳴不敵瞿鄧刀如何洋礮
威近欲欺中華厲階蚩尤兵矢石更曠硝兵火終自焚

利器豈防軀

其五

守城未論功
恍惚夕至朝
朝廷務寬大

張向竝有襄疆臣
失郡縣自此改例
條向非戮青磨軍
法無所加臣有爲
法死主有縱與操
洞庭散漁筏漢口
聚商棧推能誤雙
福閉戶啟四郊自
壞漢陽府藉寇長
虹橋浮橋連江漢
羣盜始翔翔行臺
坐傾亾十萬殉干
戈徒驚忠貞盛灑
血江漢波縉也待
雷霆印界陸尙書
人皆坐罷奕公獨
早自夸伏波久據
鞍衛伯果執及全
眾五十萬疾以千
人驅前鋒未交旗
後舫忽轉頭芾慶
死灰色宿厚反風
議不知治父囚但
恨莫赦驕庸奴卒
併命如貉在一丘
竟符金桂讖共唱
耶穌妖

其六余還過

南昌娛園梅始苞分牋輒懷君置酒且揮毫龍譚過東
道風雪纏馬鑣淮揚哭途窮公車避軍囂琦侯起徒中
貳以學士釗曰榮佩關防資格不拘纓滁州旣已空林
李遂渡河天下乃震動南北分欽差勝生本從琦用以
直諫嘉訥經老不庸棄彼若縣匏鎔也亦文俗采名命
督湖先朝老大臣一一在大僚是時君先公分道筦糧
儲沈李議漕折余預聞訂謨長算駭眾聳各自撤藩籬
從茲成分播俱歸守鄉閭其孫安老獨癡乞食供妻孥
須臾寇分軍百舟渡彭蠡江生號能軍一旅保洪都君
時正取急余亦還湘堧髯髯曾禮部壯志陵岫嶮折節

致賓客義軍起蒼頭農夫釋鉏耰學子束書包鄉人將
鄉丁迂哉王與羅布衣操土音見帥不能趨不知富貴
樂豈暇諂與驕監軍選材吏縣令有夏朱七子榮一敗
壁上觀睢盱楚軍誇身手濟也貪且愚畱賞不椎牛白
晝土譟譁二卵棄干城自此江氏孤其君從援軍入觀
父畱東湖余歸就蘆荻擬信傷王褒風塵益瀕洞賊馬
馳洛沙甫捷宜陽鎮追奔至獨流帝曰叔父愉開府秉
白旌僧哥女參贊素光懸爾腰全乎不北援翔芳竝就
俘撚寇又影響擢用袁兵科三直雖異趣帝聖能遠猶
舊臣盡僵仆折足覆葦蒲九江旣再淪江防在張吳傾

兵防田鎮軍潰帥亦連元戎恨外綏感彼殉黃廬其九余
懷越甲恥杖策獻軍謀謬蒙忘年分抵掌借前籌羣凶
敢相距上下並屯鈔陳彭各有主謀退踞上游塔齊援
甯鄉東旆改軍符疾走趣湘潭意欲憑櫓樓旌旗道相
摩倉卒會馬坡我愕彼不意短兵接巷衢從來貴拙速
驟勝鳴干枹自茲習大勇突陳飛蛇矛兵興五稔來搏
戰始自由雖有靖港敗失勢兩不畱明明我顯皇坐照
臣藩憂詔奪提督兵超次用塔侯王培始愧屈蒲伏羶
璽瑜曾軍長氣勢後用錢魁曾每懷御將略涕淚橫稔
袍何必身受知甘外報聖朝史臣豈知此願以貽千秋

其水國利戈船篙工自越招奔波陳陵磯拖罟重被膠
折肱果知醫彭楊狎奔濤羅山善學陳轉戰江漢皋乘
此破竹勢千里卷昏霧需以心計稱見敵頗忡悵湘軍
不後勁直弄潯陽潮輕兵卒致敗盜獲元戎貂鄂將如
驚弓陶撫但叫號收軍詎能守委罪信無聊一歸與豈
知幾除夕宴巴兀元夜賦春別燧火照晝橈龍李悲不
官東去如雪飄武漢果三陷空城餓鴿鴉三遷翼始庸
迫蹙沌口頭王將孤且奇蛇山夜鳴駮東南倏嘲城水
陸愈喧呶將軍忽天柱周將謬擁旄賁軍始章鎮義吉
委蓬蒿葉周厲忠貞陳會又懦誓其城固金石其援絕

蚍蜉蒸聞先大夫請命獨悲吡庸驚駭軍聲環戟鑿城
灑然無一騎援坐與羣寇鏖會軍弱始此況彼西官胡
時危出奇計羅軍退鳴饒卷甲趨武漢三戰洪山高文
忠發智略羣帥盡和調黃金壽絳侯蕙艾餽中朝披榛
立軍府雄藩蠶綦綦二夾江帥者誰托德戍揚瓜吉杭
銳無敵爭餽殉九華榮老心易搖大潰若散沙洪揚喜
徵死杯酒自刳屠韋石又疑闕其隙懈可圖朝議未皇
審承乏恨怡和侍郎乃知難拜表還喪廬其先墨綬出
其後避金革議禮難彭吳斯時獨胡公虎視厲熊螭梁
也亦奮威再得登七橋二福不經濟羣盜蔓浙渦始聞

歌九江已見哭三河成乎夜起舞金陵爾無虞一勝殺
三李六合禍池魚三君時侍親還余欲上公車耆龍正
吹毛共渡體陵櫟分手章江門獨往訪麻姑吳山看興
亾厯下吹客竽慷慨燕市游正見斬屈薨橫尸厭長星
彼死輕一芻二王不達政順乃顏敷腴自喜忠國謀五
字算錙銖宿將倚林沁三貴未相孚猶謂堪粗使領隊
防大沽帝患羣議滑和戰互從與賜酒祝戰勝聖心得
窺覷赫赫名王將託之鄉練夫全勝不能武公侯空守
株郭子勝愈餒尹生危論摠叶余游弄馭中嚴翁誦瑕
瑜君從南陔膳欲種秦人桃石眾忽南趨卅萬擁忽然

湘軍久益敝外強中實瘠貪將領游兵爭長互訾警李
蔡品下中來援氣騰敵夾資分兩屯沸沸如羹蠋兩潰
各烏散論功賦形爨寇懦貪合眾徘徊走荒嶠其魄已
天奪衡湘勢翹翹五吾生信多憂南望感塵焱君又故
鄉來躡履相迎遭青春飲酒樓劉莫共歡醪鬱鬱不久
此行行思鱸鱸丹陽敗書至吳中如亂麻征途恨苦短
官程恨苦奢匡肅始謀帥關防落東流屯難相糾結蟻
賊扇撚苗苗回外傾動英法內吹噓道窮世運極將弱
藩鎮粗余東竄祁門建策擊長蛇收吳旣鞭長爭嶽又
脣焦古來無請援王邵謬奉書君無申胥誠久作仲連

居艱難得九死幾與祥興誅左生階下囚拔用賜軍鈇
彭湖遇我舟精卒氣果殊支吾衢饒內犄角灑皖途安
慶得瓦解胡公暝黃墟恨無勤王用掩涕昆明湖肩輿
入人國談笑已亂華諸臣不羞恥外謂兵燹遭余生塊
土餘閉戶每畏搗六東南稍及西斯民盡如荼之銘非
焉術假息乃狂且田郎信佼童亦建欽差牙川鼠爾何
跳使我良友殂回漢閔漢中芾也烹如酈謀遷誤倚斌
號弓俄委裘祖制重顧命姜姒不佐周誰與同道章翻
怪垂簾疏不能召親賢自勿據天圖戮之費一紙曾不
驚殿蘆祺祥改同治御坐屏波離四國通五口和戎脫

詩集卷九

王弧海波識聖人獻稅助軍需上海議會防薛楊笑匈
奴江督斷消息潘龐悵云盱輦金鬻將帥今李勝昔雷
洋槍響青浦鱗介盡冠綬寇將已失勢奔命救江淮霖
乎狡更愚烹狗召人猜況有程將軍推鋒破如椎凶酋
矢志歿三城自然開張苗更么麼日午消氛埃獨恨良
將俎罄屋蹶龍媒趙奢揮賜金廉勇信無儕思引寢丘
賞悵望龍江隈七十西游旣改旆南走登朝臺文理感秦
尉貪泉恨蠻陬本無丹沙願甘爲越女畱一言拔管靖
七貴笑咸胡未隨戈兒放且逐鴟夷浮聞喜韶石下東
笑觀淮過南人愧王偉北闕徵呂嘉童孿何足俘三帥

好傳譎沈左更騰章疆帥互譎訶將將反違材牽船策
疲羸誰云敗駕馬終類畫足蛇曾侯工作奏言錢空縷
鬪平吳爭大珠奏凱授裝馱徒增俗訕笑但訝涉夥多
馬生驟建旗後殺比陳佗果威荷柱石文武兩無施征
車過斬黃老幼訴煩苛王軍恣驕橫與寇共蹂蹉功臣
稍見輕幸門忽已移怏怏各移鎮露刃已參衙蹇驢三
山街聾李對怨嗟置此他人事翩然誇青羸敲冰渡濕
水舉酒聽易歌八行宮訪盛衰夕望蓮花池燕趙古疆
國民貧邦薦瘡黃河改北流麥地咸沙坡其人勇盜殺
見敵不肯訶北狄我外扞積衰折入俄雖云南風競常

恐畿輔虛餘盜復北窺忠王墮劔鞞急刻不御眾士以
帥作囹朝驚喪張郃六傳何紛拏項籍僵百勝荏山雨
滂沱方知敗爲功豈恃天眷賒九十勞民汜小康旅人亦
倦游歸來營石門聞君酌茱萸山川信清暇英彥美歸
休時平儒業興經史稍尋紬冥悟宣夜學環轉北極球
鑑石墨家言光重尋眇幽曲藝誓郊人今與太學佯奏
開同文館臣倭語呶嘍海外奉巨子拜堂稱敕修儒徒
黜異術編管屢相仇疾之又已甚醜語成誣謠缶盈鬼
目糲街傳王母籌民訛驚廟堂謝過詔毛勞竟成天津
禍的火奔八騶眾怒信難犯淫刑及胡雛督府晝閉門

丁李載飛輶蒙恥甘作詐千金買人頭騰章贊天主清
議更嘈嘈洵洵值一笑局促憐轅駒請纓不我許自愧
終軍繻十二長沙賦嘉會三駕北道朝重尋保安寺悽愴
洗馬溝龍高屈墨綬弄李悲跼跳嚴子旣蘭燒張叔困
萍僑圭璋不自達金石麟能要喧喧冠蓋會逐逐塵俗
殖執戟君昔歎挽輅余余愁廿一詠咨帝京俗積弱自明
朝分權建閣部牽繹徒拘縶樞機內廷議取旨造郟交
上前患咙襍頭墊專魁杓圓列雖與聞有翰可駢駒吏
銓按籤格所利惟鬻昧戶曹計賦役丁糧混一條京米
五致一河運煩牽舟旗餉不裁制兩困貧無瘳承疇豈

尸咎絲營亦坐偷因仍養兵費藉食同蠱蝨禍始唐藩
鎮至今爲贅肌慎刑重民命獄詞無一輸昨者戮元功
不憶賞狄俘西曹爭產痕獄貨飽姦胥禮臣不議禮工
作工侵牟憲臺許風聞近歲寒蟬蝟左都論加賦反黜
爲國羞如以人廢官七卿盡悠悠諸寺愈冗散囊粟不
充廚近者太常樂日壇陳月鼓翰林學山淵不識古飽
昭吾鄉有周徐通博人中豪世族數潘翁張李翔寥寥
謝許不知時願舖程朱糟二修文在此時余實愧英髦
寄止靈臺下賃馬棋芻艾昨者盜窺鄰伏屋升若獠五
城佐京尹築軍設游徼職分權力輕民稠生業凋標劔

劫司寇懷刀狙直廬吁嗟下翫法匪獨相攻鈔羣臣議
大昏崇儉數悽悽寶衣費巨萬織造撥民租國用誠乏
財財糜國未痛舍大而撫小外嗇內欺誣矧今增釐稅
庫帑不供儲子口七百萬利戎利在予昔貧今已富算
利謀誠迂胡爲握大錢頒鈔供官精脂膏潤內務宦者
相染孺安子小黃門御前頗承趨初無城社託夤緣畏
鼠狐熱車游九門廠店椎珊瑚愚儒好憂天安意侍帷
幘御膳供粗糞微詞傾六耶或云謬啜茗取箸疑亞夫
蔡生好抵巇奏上生崎嶇危乎臣不密嫁禍翻怨倭古
來功名難中山涕漣如何況奄豎寵殃淫厚其辜制嚴

城門禁邀敕觀杭蘇龍旗炫鬲津密帖令要遮王林不
自脫歐刀徒見污鄉非失堂奧終亦費驅除如張彈文
錫言淺意有餘方矜面謝恩已恨瑤殿枞新政光日月
補天德維媯小臣頌堯舜抑絕懲諛阿李公進麥歧邊
都相切瑳主隆康高宣臣無靡傳番三水旱時丁甯六
月寒侵膚馬首余欲西恆衛水揚波愁漂總督印且逐
黃河槎揚帆渡張秋大野派通荷漕運始郡縣陶唐致
凌羸挽輪誰厲階三朝勤濬挑黃運建三督歲費巨萬
饒庸人一生事狂流日滔滔賈讓復妄言棄地廣河溝
於今行上策青徐歲淪鋪昔建疏決議余思借疏杞繫

古禹益垂其工實水家上匠作機器豈爲商貨輸左伯
忠翬翬船政謬可嗟將令夏變夷好勇乘海桴盡羿旋
殺羿學巧焉得踰毛公稍錚錚策士詢河渠章則通鐵
路效梁請一車彼哉不知本非墨還非儒儒術迂已紕
羣言淆已蕪廿四宿遷覽荒城清宵鳴夜鴉旌節爛袁浦
邂逅陪秋蒐霜登項羽臺鼓吹響晴洲追惟其艱危始
復歡唱酬尊前承善謔竊願比好仇振衣登北固還船
入大孤南浦水猶碧華年鬢獨梳聞君渡五領歲暮吟
歸與桂水望佳客省中攜少女初辭校書職旋避參軍
除文用旣云寡修途亦已紆還歸忽不樂送郡多挪揄

詩集卷九

廿五長沙舊游地懷舊空峙嶭矜夸冠蓋盛恐懼山川枯
昔吾從先進嗇乃瞿瞿尙書著釘履贊善囊朝珠賓
筵設空俎春盤登四孟鄉黨忘貴賤士農安名疇君婚
族饒富少玉矜簪裾廚有鱸鮓菜門停閒府州侯鯖始
萬氏籠鐙出趙家烝烝向二紀里巷竝囂譁學徒襍兵
子卿將賣鹽茶陸納無酒脯謝客反林巢避誼兼避地
俱言狎漁樵廿六嚴冬役車息祀竈春資糕人夫忽塞門
倒屣提巾構且傾饋歲酒徐語契闊由披圖感桃燕連
句歡梅飴君懷悵忽忽余情更條條廿七緬惟朋交盛求
友歌嚶喬往者日以新今來日以凋名姓漸沈暗新舊

多喪殂茲我若不述一墮如牛毛況逢親政初方略進
宸霄西陲亦已甯伊犁望旅燹陝桑旣成陰蘭粟不流
膏儻宏維新政豈但收桑榆昨聞罷園工十刻跪青蒲
林表箴富平魚服戒余且東朝抵冒絮武帳被珠襦懼
非盛養意陛桓不相踰所貴嚴四輔宏網略不苛參秦
非大德政舉在黎儀且如寇亂初貧弱信虛枵錢漕十
無一征繕眾愁騷司農但坐嘯客帥車佻佻泊乎閩外
尊胡李遂雄鷲唯聞軍中富未奪農耘秣川鹽滯淮綱
吳楚請借銷國彊信由人患貧枉曉曉祥公秉鈞軸所
諫何杪漂卽今西域賈互市非侵鈔制之一魁吏遠貢

可坐招矜張海防禁破決成癰瘡愚儒與國議誤誤還
相糝秦衰始法密周末患文稠晚尋道家旨烹鱸試漑
鍋三獻幸未別褰裳尋薜蘿廿八君家隔邵陵近歲長松
柯令弟懶不仕翎枝拂青荷時開冬醪飲醉惜年蹉跎
默數二紀來憂樂互舛差邦君訪南漪昔夢已遼遼且
宜酌公子還歸報臨淄琴酒可延年道德可應時三人
必有師所見盡著龜余歌勸君飲陶然入無涯廿九君飲
醉不謬余歌醒獨宜近追何曾唱遠續王子詞鐙明雪
壓屋酒煖春生卮蜜橘那可致江梅相對垂偏弦豈無
感彈之智者悲側聞離騷義尙恨莫我知余風肆且碩

爲君詒世規十三

湘綺樓詩卷第九

詩集卷九

弟子衡陽程達康恭校

湘綺樓詩第十卷

辛未至己卯

湘潭王闓運字壬父著

登北固山

江流半天地高城搃陽隈餘險未及寧爲山何壯哉奔
情逐遠濤豈憶身崔嵬長風過我前收慮坐曾臺平泉
引透迤恍若在堂階雙島左右之靈象夾我懷空明白
日光勢與浮雲來安知觀聽中率爾陵九垓願學成連
子擎舟滄海崖

萍鄉贈逆旅主人女

浮舟就漉口乘櫂度醴西寒風卷行幘密雨露路歧權

詩集卷十

鏡始欲照雕胡方自炊嬋媛主人女畱客初昏時低鬢
江巧芙蓉攏袖觸冰脂袜香恆護乳絲柔穩著綦撩情燭
應搖非眠眼自垂不緣心振蕩惟傷容盛衰勞君玉釵
挂密意久應知楊子有爭席長卿無麗衣常羞孟氏冪
將抽叔子茨畱君愛款款還余情自持思多長夜短室
暗曉聲疑眷眷門前路餘霜徒見欺

白雪引

萬里陰山雪風吹度玉關可憐離別子將雪當花看江
南千疊寒雲遠積素溶溶聲筋筋已拂初梅覺歲新還
對貞松歎時晚歲新時晚暗相催繞砌飛薨去復來能

兼夜月橫沙岸乍逐朝雲向玉臺閨中薄妝恆早起細
踏瑤光鏡池水輕裾團雪比楊花冷豔雙明著纖指回
袖翻腰總可憐此時飛雪在君前一重雲母銀屈戍半
段沈香金博山迎風密勢無窮已片片層層涌階尺帳
外應忘鴛瓦寒樓前只訝冰鉤脆璫帳瓊樓夜不深關
河路台曉陰陰持許鮮妍分妾貌空將皎潔照君心休
言容光無久駐晴煙已引春風緒新碧通波江水新微
嵐轉綠林花曙蕩子逢春應憶家誰能遲莫怨天涯願
君莫惜青驄馬早入梁園守歲華

湘上七夕

詩集卷十

華月久雲間無期自迢遞輕雲作秋河微光澹如積人
生未忘情茲宵可冥思佳人好離居跂彼勞我意綢繆
新故間因循已閱世浮雲驅長川炎飈振塵袂山海橫
九州悠悠何由致去年京薊游豈安閨房寄懷歸不余
歡恐老蘭與蕙良期各天涯差池復移歲思心如循環
還枕終獨寐

金盃吟曾太傅墓下作

陂陀亂南郊烈日何荒荒疇昔嶼府峰高冢竟相望炎
風吹我衣廿載復來翔誰爲終始交折節奉謙光弱冠
揖軍門長算料興亡歛隼興義徒雲起化侯王唯公不

改服愔愔思無方激波孰能挹繫予隨鴈行不覩梁木
壞焉知殄瘁傷高懷委天運反葬榮連岡徒令具瞻者
案德追旁皇小雅今不缺雲雷胡未康雖隆中興略榻
外議明堂袞闕竟誰補於今念一匡鬱鬱南楚門文武
浩穰穰涂窮吸已泣徒步靡所臧

鴈峰龍祠故亭秋望有作衡陽湘川岸陝波小唯此右
阿正直湘曲對衡山雲下圖經所謂晴江亭者

湘流未洞庭信美豈宜曠登丘覽回勢曲直秋濤壯紫
蓋橫青雲蒼蒼送江濤日窮想逾鶩風起帆初王澄陰
講晴城平蕪秀霜嶂塵中綠槐合桂谷丹華颺但驚祝

融高豈識幽人尙卷阿隱余情山海勞君望且宜樹松
竹蔚焉託開放

秋夜得張永州書率然奉憶

客夜常獨驚非羈竟何慮愁生非一情端然自彌路寐
中起裴回虛室滿巾屨燈窗更回明霜信在庭樹不知
寒雨下但訝階墀露尙想郡齋人蕭散絕名趣寂然官
燭盡宵若空山曙高詠如可聞清塵豈能污疑衡共秋
雲相思任來去

人日立春對新月憶故情

萋萋千里物華新湘春人日不逢人園中柳枝已能綠

汀洲草色暗生塵立春人日芳菲節此日行吟正愁絕
倚闌垂淚看初春臨水低頭見新月初春新月幾回新
幾回新月照新人若言人世年年老何故天邊歲歲春
尋常人日人常在祇言明月無期待故人看月恆自新
故月看人人事故改也知盈缺本無情無奈春來春恨生
遠思隨波易千里羅帷對影最孤明故人新月共裴回
湘水浮春盡日來黃鶴樓前漢陽樹湘春城角定王臺
休言月下新人豔明年對月容光減鸞鏡長開亦厭人
燕脂色重難勝臉庭中桃樹背春愁春來月落夢悠悠
唯見迎春卷珠幔誰能避月下江樓樓前斜月到天邊

樓上春寒非昔年
遠水餘光仍似雪
空山夜碧忽如煙
如煙似雪光難取
明月有情應有語
從來照盡古今人
可憐愁思無今古

西憶詩四首

憶左總督宗棠蘭州

重寄填荒徵憂時
獨老身籌邊疆敵
大陳力百寮新感
事休中酒開懷且
過春涼州多俊彥
早晚薦名臣

憶譚布政鐘麟陝西譚爲御史以論救恭王得名

雅步臨西嶽平流
致上台楚材非武
達封事感

天回鸞鳳卿霄隔
驂騑隴路開漢京
春樹綠應憶趙張

才

憶左兵備雋代州左在禮郎 大婚禮多其奏定去
歲出守大同傳云已歿故有喜之詞

占星看列宿聞喜似更生奏禮過鴛殿班春入雁平蘆
葭前代曲楊柳故園情今日羌無事惟應勸早耕

憶董分巡文澳鞏昌體弱才清前備兵甘涼頗思內
移

復作秦階去先愁阪棧高羽書雖暫緩玉體豈勝勞寫
韻拋銀管吟春惜錦袍相思阻西望芳草徧湘皋

寄李雨倉 李前爲庫爾哈那烏蘇辦事大臣妻宗女

舊得龍江信孤臣望德音
烏蘇前計失鳳女別愁深
闕下言仍壯春來老漸侵
請纓年少事覽鏡共沈吟

江南田同知東洲春宴

汀洲茸草碧幽映覆青霞
午潤蒸桃頰春流敵櫓牙
銜杯高閣詠回棹一船花
君見韶光麗方知薄宦奢

春游萍醴道中

閒游不取晴每趁碧山行
數點分秧雨雙呼布穀聲
驛程平過領春嶂綠無名
轉恨前來負芳菲當別情

贈李仲約學士文田時在宜春瑣院論英夷事

雲門會九奏縣圃鬱三巒
崇高竚積壤要眇貫同歡
臻

響方自遠披霄對卿雲春川麗蘭野華日藻晴漣瑣閣
延遠秀縱橫恣清言伊昔丹稜游委輅躡金門時艱哲
人驚天化眾草繇從來一紀內杜迹守丘樊飛光朗餘
照驚彩動我顏良匹果誠願還途生別端不逢千齡會
豈識四美難欣慨靡所吝憂時共般桓從容燿台衮顛
沛鎮中原投艱豈有術民儀翼征軒請爲頌穆葛庶以
慰周爰

六月十五夜納涼

廣庭蔭嘉樹起坐心蕭然日長偶茲暇臨池弄清漣芳
荷早已合垂楊碧更鮮房櫳玉琴靜微風自飄翩燭搖

知露重衣涼見月圓寧懷西堂詠徒取北窗眠

七夕代茗茗牽牛星

婉婉初昏月豔豔河漢光間庭朗已靜冥思一何長人
情悅嘉會天路恨無梁跂彼自永久良期念有常年年
含勞望遙遙待夜央歡怨未及已流颺轉晨涼耿耿還
獨寤撫事心洋洋參辰忽以沒明發起旁皇

張永州府亭八月十五夜集贈

零陵山水都郡齋風雅林浮雲去從古明月來自今解
遘得賞會亭池共登臨叢蕉翳夕光孤桂朗秋陰流燿
靜几席微風開我襟西山翠蒙蒙馮郭瞰林岑從來游

宦子欣怨一何深升沈若弭望推代倏相尋且適目前
意孰知來者心酒醒白露下高樹望辰參

題朝陽洞

空潭漱雲根秋葉錚然墮斜徑寒可門圓巖秀無佐臨
郊屐齒頻題字蒼苔破休鐫俗士名下有潛龍臥

題華巖洞

天疊假山成居然巖壑情堆雲非匠巧捫石晚秋清未
足畱仙隱猶蒙記姓名林亭興不淺畱鐫放鬆生

訪零陵三亭芙蓉館綠天菴還登高山寺

十日輕陰林葉黃欲莫未莫山城荒九疑雲高不可見

言身卷十
千年亭館西風涼芙蓉敗葉戰秋雨桂樹寒門鎖寒露
流傳不盡古今情俗人滿眼空來去

澹山巖閣上作

坦步遵南驛孤椒秀高萃臨虛駭碧盃尋磴入瑤院三
條內潛通一闕上圓明雲房接幽壁天閣敞曾昭探厓
峻蝮攀履薜躑龍驚清湫何時涸尙想灑漾情增竒賴
巧構榻坐擊餘清溪營檻外流徭洞翠無名依稀古今
跡悽惻遷宦銘自來榮華士誰能數經行南交久失官
莽莽弔荆衡願吹零陵玉承石聽韶笙

夜泊望夫山戲題

湘水瀟然碧清秋乘興還偶移歸客權來泊望夫山此
路饒遷謫何人擁髻鬟無情亦有恨通夜雨漚漚

瀟湘秋夜雨曲

九疑雲破天難補年年迸作瀟湘雨水驛無更秋被寒
木蘭船背如餘鼓二妃老去雙蛾綠月過璇宮冷階玉
祇將清淚報深恩分付三竿兩竿竹秋長雨細無人聽
流落蠻荒幽咽聲琤琤撼撼止還作鴛瓦明鐙俱有情
關河何處無秋雨淚粉嘸花不勞數省識瀟湘萬古愁
獨眠獨夢看看曙

對芍藥憶張孝達 十年春在京師與孝達訪豐臺芍

藥花農列畦植花開則盡剪之以十金畱半日然無
亭館置酒之處不足畱賞也孝達今方督學四川感
別權春因題奉寄亦使後之人知豐臺故事爾圓明
園芍藥尤多故有末句

十日莫春晴醴香一夜醒露光欺粉凝風葉避花停寂
寞天然豔茗搖遠夢經謝家清切句吟想到薇廳

舊約豐臺去怱怱惜玉珂斷香邀價重回枕擲春多湘
閣文猶綺江津錦自波不知乘傳日何似望鑿坡

彭侍郎夫人鄒氏挽詞三首

夫人適彭數年有子矣忽不見荅同居未嘗相面幾

三十年偶還母家遂卒父母亦早喪矣卒時侍郎又在錢塘故有漣浙之句其子永釗以蔭生兼世爵也懿德傳柔順歸終倍可哀黼帷雖路寢鸞鏡恨泉臺有子莊姜羨無家衛女迴空畱一品服畫篋不曾開

人傳喬氏婿富貴美風流昔嫁經貧賤相思泣好仇蘭芝無罪過蘇蕙有癡愁幸奉金泥詔君恩百代畱憂損猶中壽劬勞定此生感深漣水曲夢醒浙潮聲大莫何欣戚甘貧忘寵榮秋霜孤子泣難盡哺烏情得董研樵秦州書秋夜起作寄贈

室遠思不遐別久意如新涼風起庭戶始忽望遠人良

言身卷一
使從官政黽勉徂三春朋從怨睽違氓俗念相親獨居
恆早寒企彼勞霜晨浮雲日夜驅隴路一何勤豈不懷
遠志闊略楚與秦惟恨平生歡懷此比目鱗秋華尙可
期嘉會近無因欲振飛鴻羽千里一來賓

乙亥長沙秋集詩六首

黃永州宅集因贈

於世欲無言閉門非養高桂欬睽眾賞造請信徒勞閒
階秋氣鮮且復蓄清醪持觴不期飲佳此風日陶端居
視徂年衰盛迭悒悒休明不可久軒冕謝時髦鳳鳥人
不見雲龍君不徼寂寂元禮門顧已愧場苗

九日朱典史宅集

八月暑未徂時菊豈能芳佳節及晨興惜此風雨涼
畝室有餘清高談傲羲皇閒居閱榮落斗酒勸流光
炎炎不復久寒露下嚴霜征鴻伺雲飛鷹隼候風翔
煇涼變倏忽何草不元黃誰能登高北曠覽使我傷
請從暝居叟伊落有笙簧

九日後二夕楊兵備宅集展重九余登舟將發已辭
復會畱宿張力臣絜園明日舟中作楊寄居浯溪時
湖南鄉試發策誤以浯溪爲浯澹因有浯澹之句

閒居愛重九登覽貪晴晝獨有離別晨宜此風雨畱高

久已曠放浪迹與言冤親既平等孔墨道空論去駐各
所宜茲景勿可設

大步舟中聞布穀吟

舟行山水喧鳥鳴獨有世外言鳥習山山習深世人不
到山鳥心不辭清響與人聽知音自識非塵音城中布
穀喚煩俗強與農官勸禾穀今年河北無麥收饑民仰
天思汝肉城人山居十數春慣聞山鳥如故人揭來一
聲兩聲止知入千山萬山裏吾將舍汝去向城山中人
去鳥自鳴城中夢聽山中聲

郭筠仙侍郎出使海國寄懷詩一首

蒼蒼東北樓臨虛望日星念君北晨外龍節照南溟世
儒多危辱戚戚守常經達人似不爾道全無逕庭英島
禹所奠巨子久來型同職忽異禮華風今始并秩宗大
邦彥萬國感觀聽遄歸豈不懷使職期三齡風來玄濤
涌東望春熒熒況我龍螭異夙昔睽音形夔矣信莫助
長空寫屏營離居既多憂矧伊慕闕廷折衝縱橫事過
化乃餘靈惟賢益人國當使巧技醒語默動招尤至人
貴搜甯儻能垂光照四海無晦冥

報慈寺南寮作

紺宇存舊宮城蕪換人世靜法無滅生塵勞願來謁因

山啟高軒平望通遠勢曙煙蒙東窳涼月戀南裔有時
長沙雨正見城中霽得地自超陵觀人徒蕞芮釋子古
法王轉輪今已輟遽暇了不謀安知阿育利儻有物外
游題詩紀年歲

丁丑五日夏按察獻雲招集賈祠薦屈

浴蘭周節重塞棟楚風遙異代追文采高懷契寂寥寒
泉心惻惻長晝日陶陶莫更嗟沈石投書恨已消
故宅傳主傳新祠壓芮陵表賢民俗化作頌大夫能五
日天澄霽千年地中興欲知高潔意紅菖亦懷冰
佳客忘簪笏高談灑雪蘭新軒涼見日宿漲遠生寒論

古知心少行吟下筆難遙遙今昔事一笑酒杯寬
靚舫仍開地湘流久不波文章光日月亭館欲煙蘿物
外閒無事棠陰長更多憑闌惜芳草畱客緩鳴珂
麓山寺六朝松折後作歌

羣松陰陰連道林一株旁立氣蕭森無心與眾鬥高古
自愛蕭閒雲岫深游人但訝色蒼怪水經湘志無年代
晉寺重興宋及梁六朝電逝山如黛岱華猶無三代松
此松兼恥受秦封屈作南朝一名品泠泠灑灑生清風
自唐及明少題咏僻生山峽幽人性近來唐羅始知敬
百年游屐破苔徑誰知貞性不好名楚風始盛天下驚

空山偃蹇慣岑寂安能時聽世俗評從來千年飽霜雪
去年微凍蚪枝折亦如老聃去流沙非仙非死憑人說
世中俗人不見松猶道山光雲氣同寄言知者莫歎息
君不見許由巢父無人識

七夕雨

涼氣驚秋早玄霄隔雨看燭移飛燄小花溼墮香寒綺
閣離堪數疏簾夢度難年年玉鉤月空是映檐端
織錦機應倦乘槎路已通關河空悵望風雨付冥濛無
睡頻敲枕輕離慣轉蓬思天上事幽怨與人同
齋宿湘綺樓晨雨感作

登高見早秋清聽數檐雨重雲偶萋萋南國無漑土齋
心易爲感如憂望將曙嘗粢及初登穫稻方在庾釁期
盛秋暘茲霖眾然苦淫潦豈天心沴氣有時聚澄觀識
所由端居信無補

丁丑九日夏司使招集宜園見示新作還山奉酬

謝生感旅鴈殷仲樂廣筵俱榮九日集未識人外緣良
使多暇政嘉辰寄流連恆有山水趣深居亦遐觀茲游
耦靜契招客宮庭前人閒地自雅矧觀池亭偏秋紅絢
蘭阪露翠垂篁田時執不貪榮黃華獨遲妍歡尋日易
夕賓醉月已延亮無憊慄悲何必管與弭塵音愧高詠

新圖預授箋逋客謝拙速庶使逸句傳

十月九日楊息柯招陪四老三俊集寄廬作閩重陽明日賦詩紀盛兼補酬見和之作會者賀翁昔爲完令又武昌類有責言故詩中言燕歌西塵云

閒居餘高興蕭晨續秋設雲暄庭院陰時暇尊筵潔賢主總勝流處游盡時哲盈千數良會歷九迴深轍燕歌今再賡湘燭當重爇英榮晚華疏葉傳禮烈依彼青松下卓然霜後節余欣陪杖飲被志期朝澈經始東山舍將卧袁生雪三旬忽徂邁下里仍牽綴方吟惜秋唱無患西塵涅

暫往東山楊性農丈寄詩見訊還城奉和

求聲倦搜世處靜惜離羣偶有獨往興東山看秋雲良
會歡未歇高談響猶聞夫子久林壑謁來旅湘闔晤對
適所願探懷煥新文溫如粹玉顏未酒意常醺城中楓
葉秋山外桂華芬折麻勞來訊采菽待霜昕

戊寅正月十日得陳懷庭書因感南中苦寒對雪有寄
春回無煖律賴有先春書冰雪連天地呻吟共草廬湘
筠乾恐折湖柳凍逾疏莫道霜凋後孤松正感予
正旦占黃霧連旬感固陰飛光勸汝酒六沴果何心遠
莫愁涼晉寒仍戀枕衾稍須膏澤動同播廣都琴

馬將軍歌

河南馬德順者前爲湘軍馬隊將余在祁門從問牧
馬方別十九年遂不相聞以爲畱江浙補鎮將矣及
閱陣亡冊乃知其於十二年前戰死甘肅愕然傷之
爲作一詩往曾侯議立馬隊何應祺利之而怯於敗
漫取几上書占之正得杜集詩云苦戰身死馬將軍
喪氣而止余嘗笑之君定不戰死詩妖無驗耶此唯
余識之將廿年乃悟其識意者德順名不當泯不然
何精神往來於吾心也德順官提督謚武毅詩曰
曾侯昔起田間師將用拙速勝巧遲腰鎌執梃五千眾

大捷湖上名夫知當時提督一馬竿突陣橫賊風電馳
南人好船不好馬水師萬舸橫江湄三河一敗兵如灰
雖有舟楫無由施陸軍氣奪賊馬蹶都統揚揚建兩旗
始知騎步定天下曹公不敵董卓兒驅勒農夫學騰跨
項強脛直百不宜我年二十聘身手超阮墮塹拋金羈
鶩駘多肉驥多骨炎方芻稻難調治馬侯將馬識馬性
如造父孫汧牧時是時王師苦不利曾侯避地黃山陞
驍驍蹇驢盡無用相與蟻垤爲娛嬉據鞍一笑何生癡
壯士恨不革裹尸清秋一槩下鄱水歸來但覓果下騎
春風秋日偶盤駮骨脈和協心顏怡馬侯牧方聊小用

千金擗續越女蚩爾來廿年不問事死生貴賤和天倪
偶從蠹牘見名姓使我心熱神備疑松陰長簟恍未冷
苦戰身死真何爲憶爾伊涼騁千里鬱氣一吐月暈虧
戰馬長嘶飲河水誰甘老死阜隸笞余亦放馬衡山陽
寢中不聽曉角吹馬侯馬侯身死莫論功成敗君不見
湘鄉石馬青苔滋

東山精舍哭董兵備

寄書長恨緩聞死怪郵傳薤露悲三世荒城坐七年官
閒虛領郡體弱況多煎倡和音未寂寒窗孤月圓

久作昆湖別重逢意始親中年詩更老秋夜語能春書

到妻孥喜途長夢想頻遺篇看百遍佳句尙如神
瘦骨知吟苦交情比宦濃邊庭幸無事俗吏偶相容悵
望湖南鴈獨看城北松風流豈終絕石室有遺蹤
知君定不死恨我未忘情交誼期千載音塵斷此生魂
歸淇洞月夢遶隗躡城又綠湘皋草誰聽楚些聲

送余佐卿北游

沈陰閉春百日凌鳴鳩拂羽催春興皇天運行往當復
世閒安有千年冰宋玉泥汙枉長歎何不走向山峻嶒
我今昌寒出城去歸來果見天清澄桃花滿枝春滿眼
愁吟仰屋眞蒼蠅青山詩人坐掉頭中夜卻思萬戶侯

龍驤虎步生苦晚儒冠執粹俱堪羞忽聞春風入庭戶
翩翩欲作天邊游不知書劍向何處江濤拍岸尋扁舟
兒童拊掌笑女癡三十未老何襤褸卽今西陲又肅清
俄英和好不下旗下首高尻作將相樞廷悔用馬上兒
四方上書盡報罷郭公相業此最奇今爾何爲心慨慷
妻孥不復謀耕桑曹司卑官羨斗粟入殿那及陞楯郎
飽食鮮衣尙憔悴要踏秦晉看災蝗古來豪聖不如此
堅坐且笑浮雲忙我聞此語未賢達爲君起舞翻離觴
浩園閒做春氣醒風止雨霽月滿亭陳生東游老龍徙
長歌短詠無人聽人生日月不暫停不游不仕鬢髮星

識君冉冉徂三齡至今枯坐守一經君不見宗生臥游
不寂寞胸中五嶽撐天青

過縣贈黃明府

積雨無時歇平蕪綠自春一城荒似昔大邑久憂貧俗
敝耆賢盡商凋巧利新宓琴閒獨理兄事愧無人

三月上巳雨坐湘綺樓題寄懷庭

高閣猶清坐春空盡雨聲陰陰風動地拍拍水欺城遠
望終無極徂年只自驚餘花不知恨三日眼中明
送陳御史啟泰迎養入都陳婦先已在邸

秘直還西禁歡顏奉北堂雲清天路近江靜彩衣涼房

玉鳴知喜陔蘭遠更香此行無別恨扶路賞秋光

榮養非依祿三遷轉念慈節姑家法見素業里人師寒
纈書鐙幌繡花荆樹枝儻開何氏酒應許泛金卮

水閣仍馨桂南洼定長蒿使裝貧不改文酒會能豪島
鶴從容步霜鷹顧盼高看君持大體終未忝詞曹

賈祠集餞劉采九

勝地新分席良朋舊盍簪道因詞翰重交託古賢深城
郭前游迹軒窗遠別心有才堪自信千載待知音

宦迹忘中外於今更爽然便成王佐業何似酒杯前湘
水看逾曠浮雲去可憐且將幽詠地披豁對晴川

閩東安水道志憶前游慕物外頗有獨往之志作詩寄
懷云

山川寄物外車馬不能喧偶有獨往志霞石橫眼前昔
游如有神今懷亦可歡散髮東山廬沈吟永桂篇巖虛
午風靜松疏夏日寒村舍遠相望樵牧方來言豈伊慕
靈契離塵是爲仙閒庭雖自清未若漱雲煙世事託妻
子將從性所便

寄懷黃御史

思君又隔歲相訪恐多勞山靜心長定霜寒病獨麀養
生無禁藥懷舊有庭蒿一事堪消日扶牀醉濁醪

近欲梁州去知君憶弟情有官歸更好爲客老無成臥
聽秋鴻翼閒銷夜雨聲養疴與樵隱總覺勝浮名

仲秋府學釋奠觀禮二首

南郡人文首東膠禮樂宗儒臣新節使雅咏古車攻星
漢彤廷麗英賢玉佩從儲材歸重學非但美笙庸

鬱鬱熊湘閣當年拋火驚至今吳選士多用魯諸生城
闕秋容靜弣歌曉殿清老儒投筆久欣及見升平

出洞庭西湖浮澧入江有作

皋絡通千里溟池望八荒奔流終古壯平水萬舟杭一
髮圍黔楚孤身入混茫朝宗百靈會始識霸功強

覽古興詠二首

巫山高

楚人捕蟬忘黃雀百戰連兵向伊雒東收魯越棄夔巫
蜀郡迎來司馬錯夏水浮江江石岫秦兵四日燒夷陵
丞相從容曳珠履壽春城脆如春冰屈原含冤宋玉老
年年猶夢高唐好雨散風離十二峯瑤姬淚滴陽雲草
蠻夷問鼎入中原敵國傷財不足論莫矜江漢輪船便
已見風沙印度昏

琴歌

廝養娶才人天孫嫁河鼓一配恩恩終百年粉淚蕩花

不能語君不見卓女未尙長卿時容華絕代不自知簪
玉鳴金厭羅縠平生分作商人妻良史賤商因重俠筆
底琴心春疊疊一朝比翼上青霄闕下爭傳雙美合使
節歸迎駟馬高始知才貌勝錢刀古來志士亦如此膠
扇遷殷援去囂卓鄭從今識文理有女先求天下士錦
水鴛鴦不獨飛春來江上霞如綺得意才名不久居五
年倦仕謝高車華陽士女論先達惟有臨邛一酒壚

梁甫吟

秦軍取蜀燒夷陵吳人上峽燒蜀兵雷鼓緣山動江水
臥龍空守八陳營平生只解吟梁甫錯料關張比田古

寂寂荊州九郡城，共聽吳蒙一聲櫓。契合君臣自古難，
潛思孝直涕汎瀾。荆襄湘越勢首尾，誰令驕將開兵端。
曾聞令尹爭南轅，清晨先鼓壓晉軍。江湖咫尺不相顧，
空復崎嶇五丈原。

淫豫石

沂峽倦衝溥，虧雲見天缺。崖分崩石起，落霧猶擘嶮。蒼
素交嵐陰，寒光秀圓垤。浮煙疑海泡，淺瀑欺江齧。影移
盆石玩，響映漁舟振。設險豈天心，征颿古飄撇。靈島通
孤焦，三珠若可擷。盤鷹駭飛波，潛蚪樂回穴。題茲冠夔
巫標，奇慰危陞。

渡風波領至梁山

峻阪造透陀昇人拄杖過幃邊鑿石瞰轅下遠山多九折勞高下清霜肅澗阿征途忘歲暮時聽采薪歌

霧散山全失天窮澗更深偶然青竹合如度碧谿陰絕險風驚眼飛嵐曙愜心經過正領略知不異幽尋

出梁山城平田積水吟望有作

城臨峽山首西望俯萃萃霧煖昏晨氣風彊起雪聲倚筇田水碧拋鞚馬蹄輕聞道天梯近淹留惜此程

雨上拂耳巖明日過九盤山遇雪

歲晚征途險危巖遠更深客游無物役雨雪盡清吟古

有勞人怨山空啼鳥音吳鉤夜中響猶未損雄心

金堂山曉行作

寒霜不入蜀原隰冬蔥蒨霞明陰谷曙雨過晨光淨披
拂悅征途曠朗開余性舉林惜葉卷步竹欣篁迸幽如
故山適未覺殊方復智公游已遠段駟居難偵表回面
前坡墟煙靄來徑

除夕行成都市遂至洗馬池

神龜肇二城連星翼七橋名都昔隱賑閭里今填囂餘
富始秦守興文儷漢朝通衢揭百坊市火燭支霄鐵貨
達梯杭川原貴沃饒華實茂春蕪蔬豆翠冬茗士女閑

且都錦綺豔翔敖朝尋葛姜宅夕竝王郗鑣闐肆雖久
盛隆替非一朝二九門旣堙雙江洫不潮財傷杼其空
儒綏樸爲雕方承古人末恆恐年運遼羈旅幸多暇星
躔將轉杓適野歎何加行國念我聊撫樹臨霜池翫夕
啟風寮追懷李固游尙訪嚴遵繇雄觀八州外濁隱清
懷標豈伊夸天府爰曰告軒輶

已卯清明日題家書寄懷

輕陰靄庭樹高榮翼重阿晴鳩開林響午雀語風和馮
軒望曲城碧草送透迤峽雲互來途江瀨壅還波春華
萬里榮我思一何多芳節逝不畱但憶昔傷離丹英吝

晚桃翠幕悅新蘿覽物情有初感別愛如何息心久無
營聘望忽差池

送殷安還洞庭

并序

湘陰殷家儁字竹伍本姓音氏蓋元之舊族也明初
以軍功世屯官居於營田故饒於貲至竹伍生有巧
思覽九章周髀之書能求捷術尤喜制器凡徐光啟
所傳其師法輒召匠試爲之日夜工作不休成不可
用卽又更作作成復棄不用以此蠹其家當是時海
禁猶張儒者恥言太西亦不視筭草唯予友丁取忠
頗奇竹伍之術名稍稍聞諸生中洪寇起湘軍興始

務造礮立長沙官私二廠各以其所謂能者主之竹
伍不在選中余時游會侍郎軍幙亦不知其能如何
未由薦也武漢復軍聲勢盛湖北藩使夏廷樾主轉
餉居武昌請余俱行因長沙黃冕知竹伍名欲倚以
造留防軍械遂得相見同舟東下既至江夏司庫糧
臺恆不能辦萬金人心搖搖百廢不興余時新昏思
歸甚假度歲辭去竹伍猶留欲有所營未旬日督府
之師潰於黃州會之水師船燔於九江寇復大上武
漢三陷各踉蹌奔免自後黃翁居長沙通湘軍諸將
總湖南餉事名勢重於巡撫而形勢已定無所用竹

伍委以權稅外縣衣食之而已洪寇平夷議偏重
朝廷乃始畱意船楫大臣承風爭言機器之利關稅
七百萬悉輸之福建上海船政機器用之而天下干
進者爭自託於西學督撫以制器爲能事湖南雖居
腹裏亦設局省城月給千金遣人賴者主製辦余始
言且可用竹伍當事者辭以饗殮費不給竟不用也
川督丁尙書謀西防患火器不精奏開局成都大作
鑪廠營建費巨萬廣求奇藝異能手書致竹伍厚其
聘幣竹伍喜謂可竟其所學開農田水利織作之利
余以爲七十老翁雖得知己猶患晚遇不自覩其效

言集卷一
也及竹伍至而御史已言成都制器不可用故隨作
隨毀 詔使案之當罷竹伍復失職遣歸無資以自
還按察方君倡助之倉卒附舟去則己卯歲四月朔
日也余感其技成而無用逢時而不見求有知遇而
無時使其懷奇略蘊治道則賈生之流也於其行賦

四詩贈之

將離猶未去夜雨已思君白髮休爲客峨眉偶看雲
蛟嘒喜過峽鶴叫感呼羣爲見宵光月知余昨夢勤

汗漫屠龍技辛勤刻楮時覃精嗟昔誤垂老感新知未
展斲輪巧俄蒙抱瓮欺明時方在德歸隱或招遺

江漢風塵日同舟擊楫前闈房催歲晏歧路駭羨煙慘
澹澄清策蹉跎老年太平文武盛訪舊忽茫然

歸路聞蟬早垂楊去歲青江痕看長落漁父笑清醒客
鬢行堪老鶻嘯坐獨聽君平今已見待問使槎星

丁尙書總督四川閱兵西南邊畱灌縣過六十生日以
避寮吏稱祝寄詩調之因以爲頌時方劾罷按察

雄鎮常經武新恩命撰徒息民冬蜡樂觀稼夏苗鋪令
簡稀隨吏心清減驛厨巡邊兼問俗負弩莫爭趨

蕃部通三藏軍疲氣始驕應憐蠻瘠苦甯倚蜀豐饒薪
突深謀久松檜迴望遼老臣憂國意非是慕彤弓

斥鷃恆相笑，霜鷹暫一神。元樞資長養，國體在平均。還
憶薰風度，停車稻雨新。休瞻雪山峻，高意託蟠岷。
早已忘身世，何煩更祝釐。精勤延壽久，淡泊養生宜。白
髮尊元老，青城賸紫芝。不嫌齋舍冷，猶有酒盈卮。

蒙山上清茶歌 歲貢三百六十片，唯給郊祀。

酌泉試茗平生好，唯有蒙茶遠難到。名高地僻少愈珍，
夢想靈芽但西笑。春動岷嶓花藥香，故山新茗渴未嘗。
石花露葉今始見，開緘已覺炎風涼。聞道仙根漢時活，
七株常應鳴雷發。王褒遣僮不敢擔，長卿識字名空撮。
貢登天府二千年，龍袞親擎饗帝筵。從此人間不曾識。

苔闌十里圍雲煙年年葉共周天轉銀泥小合盛三片
至尊晨御偶一煎王公那得分餘羨吳越湘湖名品多
祇供嬪女潑雲渦含霜焙火爭春早散雪流芳付驛馱
一聞蜀使當秋進始覺後時天所吝聞名乍見已足誇
川綱長價開中引達賴熬茶靜遠荒紅茶航海動西洋
從來鹽鐵一時利誰言此物關興亡胖蠻馨香元有自
百草纖微豈堪比對此沈吟不忍煎如觀法物郊壇裏
山人掉首百不知松風一榻輕煙遲園茶采采其葵叔
迎涼且詠幽公詩世間遠物徒爲累甯知跂石眠雲味
一啜餘甘復幾時支頤坐看西山翠忽憶君山北渚瀕

亂餘枯枿樵薪五峰深處尋眞隱儻遇披霞舊種人
第五女幃小名萸芳天三年矣昨忽見夢問物性靈蠢
余戲告以螳子最靈人最蠢其莊生親螻蟻之喻邪
覺賦小詩記異

幻影重相見提攜問物靈衣單垂手瘦髮覆兩眉青泉
下年難長秋來夢易醒忘情仍有妄非汝未遺形

院中翫月

初秋影無雙娟娟映北窗孟冬光稍遲遙遙在南階圓
魄故如昨躔運倏已移情留賞仍淹步履久相期始吟
涼露溥今恨餘霜滋還枕掩餘照垂帷鑒相思重簟久

已卷清塵豈在茲
回鏡朗室隅
虛幌轉晨颺
獨寐惜良夜
誰云愆歲時

寄墮林粉與夢緄因題五韻

江州墮林粉
舊擅六朝名
無人知古豔
獨買贈芳馨
莫恨紅顏老
曾窺玉鏡頰
從來有名價
已足重千齡
世女那能妒
妝成見典型

夔門歌

石氣江流門消長
崩奔蹈鐔俱東向
相爭相讓兩欲休
石起作天江作溝
飛青岷峩兩門外
奪路撞騰萬里流
山靈截江意未已
誤踏橫流探喚起
不甘禹鑿巨靈擘

萬古題爲淫豫石其東三峽一萬山餘怒崢嶸洶青壁
蜀土崎嶇自一家天開此路達三巴瞿唐劔閣一丸塞
坐看公孫成井蛙

巫峽下青石洞諸峯奇秀圖經所不載畱賞興詠

大峽連百六神峯疑十二未若青石巖拔奇江北裔雲
膚麗寒骨煙想窮天背連峯豈競高千霄各有勢真形
任圓削秀色非空翠從來絕躋踐何必遠人世翔仙尙
孤危飛鳥詎相企靈境儻不迷津途待重至

下新岫灘贈汰工一首

東歸汎平潮絕險餘江激岫石積千載哀濤苦驚譟揚

舫旣夷猶傍流駭回眺習坎信有期需沙且詒誚虛舟
縱所如奔浪反知撓迅急乘直波從容順回瀾濫觴盤
渦中曲折赴湍峭峽山轉晨光崖雪涌雲曜涉險慰眾
心探奇媚孤棹雖慙郢人質頗識飛流妙將從呂梁游
方逢斲輪笑

枝江守雪作

風濤寂清聽船重知宵雪寒鴈旣朝棲扁舟亦晨繼江
山美昭曠洲渚悲飄撤積素皓已盈曾瀾映逾冽疏森
明遠樹掩藹開雲缺村扉晝猶閉川路長安設宴賞懷
湘衡羈游倦河浙明鐙更水宿高枕忘霜冽劉郭宅儻

存凌寒訪坻埒

寄懷二陳詩一首

俊臣左遷閩臬過蘭谿懷庭作令九月己丑迎之官
驛談次共有相憶之言十一月書報成都余適將東
歸踰月至洞庭夜雪舟中復憶嚴瀨雪行追事懷人
因寄一篇記其情款云爾

離會恆有期游宦俱在遠悠悠四海內戚戚良朋綰江
山長鬱紆蘭華有時晚馳書心不近告別情仍返返情
非近心薄旅動孤吟暝辭石鏡月旦發巫雲陰還波無
急湍弭棹絕招尋江湖漾霜淺冰雪緬途深途深阻三

州東西萬里餘小邑寡人事橫琴對牀書念存空谷音
果遶鳴騶驅殷勤負前弩欲笑停高車高車倦王程度
領復過征年徂客鬢華官遠使裝輕陔心積契闊握手
道平生明鏡穀水驛帳飲秋山晴秋山秋葉黃穀水西
風涼蝮虺感峽路鴈叫悲天霜情語慰沈浮憂時厯炎
涼嗟予獨遙夜與子共離觴離觴促夜火人吏還脂輶
飛旌背邑去拄笏看山坐書題訴歡怨逝節驚駭職勤
役官政煩晏歲歸期果歸期澹澹悠悠歲晏浙閩脩昔吟
巖灘雪今阻洞庭舟時平戍鼓息事往浮雲留懷人白
蘋望從子赤松游

湘綺樓詩卷第十

弟子衡陽程達康恭校